

宛陵先生集

四



宛陵先生集目錄卷第十五

觀何君寶畫

送任太博歸省

送張學士知洪州

觀楊之美畫

李審言遺酒

送邵郎中知潭州

送楊叔恬

送洪州倅何太博

見賣瓠者

和鄰幾景德避暑

送趙諫議知徐州

送邵戶曹隨侍

哭韓舍人五首

高平公挽歌三首

歐陽郡太君挽歌

和石昌言求筆

邃隱堂

讀永叔撰薛雲衢碣

和昌言蜀牋答松管

送楊叔武廣南招安

走筆戲邵興宗

送李中舍宰南鄭

送王察推之鄧州

戲酬高員外鯽魚

送何學士知漢州

和達觀師聞蟬

和杜相公謝蔡君謨茶

和接花

送石昌言學士

書南事

送吳都官還江南

馮子都詩

并序

赴庾直有懷

采芡

史氏南軒

送陳脩撰

和寄宣州廣教文鑒師

送陸學士泰州倅

送徐祕丞知梁州軍

和秋夕對月

目錄終

卷終

并序

扶夷直印製

宋宋

史乃南神

三朝前對

江蘇蘇州府志

卷之六

卷之六

并序

扶夷直印製

卷之六

并序

扶夷直印製

卷之六

并序

扶夷直印製

卷之六

并序

扶夷直印製

卷之六

并序

扶夷直印製

宛陵先生集卷第十五

宋宛陵梅堯臣聖俞著

觀何君寶畫

燕馬易畫吳牛難圖馬骨隱細牛骨麤馬毛要
密牛毛疎麤疎必辨別細密多模胡乃知戴嵩
筆能出韓幹徒幹馬精神在韁勒嵩牛怒闐無
牽拘昨日何家觀小軸綃雖破爛色不渝二頭
相觸角競倚前脚如跪後脚舒尾株榻直脊脊
蹙筋力寫盡蹄腕殊一勝一敗又苦似勝者狠

逐敗者趨卷窮赤印置小字置字乃是陶尚書
尚書國初人愛畫收幾厨買時不惜金與帛帛
載羊車錢載驢後世兒孫不能保賣人窮市無
須吏凡目矜新不重故千錢酬直皆笑愚四牛
遂爲何氏有裝背入眼天下無坐中吾儕趣已
異又喜玄女傳兵符此本實稱閭令畫下筆簡
細容顏姝三人鬼狀一牛首八女二十美丈夫
黃帝中間蔭葩蓋霞扇錯玳旌擁朱冠服難知
歲月遠但見儀衛森清都復觀鹿臺獨夫受妲

已不笑何由娛酒池肉林騎行劒剖心斲脛堪
悲吁數幅吳王宴西子綵舟張樂當姑蘇宮娥
數百簇高下鬢髻一一紅芙蓉危峰細浪得平
遠前對洞庭傍大湖商紂夫差可垂誠歷世傳
玩叅盤盂鵬鷹草木不足記特詠此事心何如

送任太博歸省西都

人言少保持家謹載見西京萬石君子舍今歸
浣裙切里門重戒下車勤田園一一能爲計僮
僕訢訢亦有聞我負洛陽山水久試因行色寄

嵩雲

送少卿張學士知洪州

朱旗畫舸一百尺五月長江水拍天穩去先應
望廬岳暫來誰復見龍泉閣經吏部重爲記山
識吳王舊鑄錢往迹可尋軍士少贖書遺逸附
青編

觀楊之美畫

天官乘車建朱旗赤旛前亞風卷披二龍緩駕
蒼髯垂印箱傍挈文籍隨雙騾推輓如畏遲行

從冠服多威儀水官自有真龍騎兩佐並跨鯨
尾螭步趨羣吏怪眼眉雲生海面無端滙雷部
處上相與期人身獸爪負鼓馳後有同類挾且
搥次執電鏡風囊吹青虵有角魚足鬣上下引
導神所施地官旣失不可知此畫傳是閻令爲
設色鮮潤筆法竒絹理膩滑雞子皮吳生龍王
多裂隳八軸展玩忘晨炊李成山水曉景移黃
荃花竹雀擁枝韓幹馬本摸搭時神駿都失存
毫釐日高腹枵眼眈眈邂逅獲見何言疲厚謝

主翁意不衰他日飽目看無遺

李審言遺酒

大梁美酒斗千錢欲飲常被饑窘煎經時一滴
不入口漱齒費盡華池泉昨日靈昌兵吏至跪
壺曾不候報箋赤泥圻封傾瓦盎母妻共嘗婢
流涎隣家葡萄未結子引蔓垂過高牆巔當街
賣杏已黃熟獨堆百顆充盤筵老年牙疎不喜
肉况乃下箸無腥膻空腸易醉忽酩酊倒頭夢
到上帝前賜臣蒼龍跨入月不意正值姮娥眠

無人采顧傍玉兔便取作腊下九天拔毛爲筆
筆如椽狂吟一掃一百篇其間長句寄東郡東
郡太守終始賢切莫汲竭滑公并留釀此醕時
我傳

送邵郎中知潭州

張饒疊吹洞庭外綠虎帶刀蠻帥迎且諭漢家
綏撫厚莫言湘守事權輕木奴洲近霜包熟斑
竹林昏野鳥鳴賈誼宅邊寒井在暫留千騎漱
餘清

送楊叔恬應北京辟

昔時見子宛丘下丞相待子知子賢子於文字
實廣博海客謾估珠盈船欲賣明月一寸魄雖
豪未有售以錢通都大邑忽辨寶直取不犯驪
龍涎遂作照乘物矜夸魏人前從茲十二車光
彩生從先

送洪州通判何太博

若谷

先歸新淦

拜官江上客乘馬不乘船獨畏蛟龍浪將歸風
雨天葛花侵野徑源水入腴田君住巴丘下西

山道路連

五月七日見賣瓠者

老圃奪天時馬通爲煦嫗四月彼種瓜五月此
賣瓠陽陂與糞壤功力且異趣瓜遲瓠何早豈
不同雨露速利乃在人爭先無晚暮

和江鄰幾景德寺避暑

埴蟻不應雨鳴鳶不生風鬱氣若甑炊初陽如
火紅裸膚汗交流脂體膏將鎔龍頭費挹酌犢
鼻強遮蒙常畏俗物來去避青蓮宮廣堂鋪疏

璃高簷蔭梧桐廊壁畫地獄獄具鑊鋸舂鐵城
何焰焰鐵床亦彤彤誰知炮烙死活間傳自西
域黃面翁正類人世苦此熱聲利役使亡西東
京師貴貨幾椽舍窮煎相似聒欲聾屋頭朝爨
作飲食枕底夕艾驅蚊蟲宜爾近巷江夫子賦
詩特壓塵土中

送趙諫議知徐州

及

鹿車幾兩馬幾匹軫建朱幡騎轂弓雨過短亭
雲斷續鶯啼高柳路西東呂梁水注千尋險大

澤龍歸萬古空莫問前朝張僕射毬場細草綠
蒙蒙

送邵戶曹隨侍之長沙

青袍會稽掾采服湘江行水館魚方美犀舟枕
自清鷓鴣啼欲雨蟬螻見還晴風土雖卑濕醇
醪可養生

晨起裴吳二直講過門云鳳閣韓舍人
物故作五章以哭之

平生交友淚又哭寢門前曾叟不言命楚人空

問天月沉滄海底星隕太微邊莫怪終埋沒文章自可傳

使虜嘗專對江湖謫幾年始看還近侍遽此隔重泉沃酒酒空滿託詞詞謾傳視予猶手足莫怪獨潜然

算數曾無據仁人亦莫聞狼愚多至老蘭桂苦先焚不竟千秋恨還如萬里分臨風一號慟易散日邊雲

昔時賓宴地今見總幃遮棲室那因鵬從盃不